



Projekat: „Podrška Programu reformi komunalnih vodnih usluga u FBiH i promocija primjene tarifne Metodologije“

Poštovani/e,

Vlada Federacije Bosne i Hercegovine je u prvom kvartalu 2022. godine usvojila Program za unapređenje vodnih usluga u Federaciji Bosne i Hercegovine i korištenje najavljene finansijske i tehničke podrške (Sl.novine FBiH 14/22.) i Metodologiju utvrđivanja najniže osnovne cijene vodnih usluga u Federaciji Bosne i Hercegovine (Sl.novine FBiH 16/22.).

Za izradu nacrtu ovih dokumenata formirane su interresorne radne grupe u kojima su bili predstavnici Federalnog ministarstva poljoprivrede, vodoprivrede i šumarstva, Federalnog ministarstva okoliša i turizma, Federalnog ministarstva pravde, Agencija za slivna područja rijeka Save i Neretve, Federalnog fonda za okoliš, Saveza općina i gradova FBiH (SOG FBiH), te Udruženja/Udruge preduzeća/poduzeća komunalne privrede u Federaciji BiH (UPKP u FBiH).

Programom su predviđene ključne aktivnosti koje trebaju da dovedu do boljeg funkcionisanja institucija iz sektora vodnih usluga, prvenstveno vodovodnih komunalnih preduzeća, kao i aktivnosti koje trebaju doprinijeti pravilnijem i racionalnijem planiranju izrade i provođenja projekata iz oblasti vodnih usluga, kao i usklađivanju s propisima EU u ovoj oblasti. Usvajanje i realizacija ovih dokumenata jasno su postavljeni kao preduslov koji nadležni organi na svim nivoima vlasti u BiH trebaju ispuniti za osiguranje daljnje finansijske podrške međunarodnih razvojnih partnera za modernizaciju i reformu vodnih usluga.

Kao jedna od prioritarnih aktivnosti Programa definisana je usvajanje i primjena Metodologije utvrđivanja najniže osnovne cijene vodnih usluga u FBiH. Nakon usvajanja Metodologije od strane Vlade FBiH, u kontekstu realizacije navedenog cilja MEG II projekat UNDP-a i UPKP u FBiH su proveli aktivnosti:

- Zajedno sa MPViŠ FBiH otpočeli sa promocijom Programa reformi i usvojene Metodologije (održane promocije u Srednje-bosanskom, Zapadno-hercegovačkom, Unsko-sanskom i Posavskom kantonu);
- Održali dvije radionice za obuku potencijalnih trenera za primjenu Metodologije (planirana još jedna završna krajem ovog mjeseca);
- Potpisali ugovor sa UNDP o realizaciji projekta „Podrška Programu reformi komunalnih vodnih usluga u FBiH i promocija primjene tarifne Metodologije“.

Osnovni cilj projekta „Podrška Programu reformi komunalnih vodnih usluga u FBiH i promocija primjene tarifne Metodologije“ je prenos stečenog znanja i iskustava na vodovodna preduzeća u FBiH koja nisu uključena u MEG II projekt i podsticanje istih na proces reformi u sektoru vodnih usluga.

Projektom su, između ostalog predviđene i sljedeće aktivnosti:

- Odabir najmanje 30 komunalnih vodovodnih preduzeća iz FBiH koja će učestvovati na obukama za primjenu Tarifne metodologije (a koja nisu uključena u MEG II projekat);
- Organizacija 20 obuka za 60 odgovornih radnika o praktičnoj primjeni Tarifne metodologije;
- Podrška, na zahtjev, odabranim komunalnim vodoprivrednim preduzećima, uključujući analizu i interpretaciju rezultata Tarifne metodologije;

- Organizacija 4 tematske jednodnevne konferencije o odabranim temama iz oblasti „Program reformi u sektoru vodnih usluga u F BiH“.

Planirani period realizacije ovog projekta je oktobar 2022. – septembar 2023. godine. Planirana je organizacija **početnih jednodневnih radionica na regionalnom principu**, dok bi se naredne radionice organizovale ovisno o ostvarenom napretku pojedinih preduzeća, gdje bi se ponovno težilo regionalnom principu njihove organizacije. Nosilac svih ovih aktivnosti je UPKP u FBiH, uz tehničku, kadrovsku i materijalnu podršku MEG II projekta.

Svi troškovi, vezani za realizaciju ovih aktivnosti će se pokriti iz sredstava projekta "Podrška Programu reformi komunalnih vodnih usluga u FBiH i promocija primjene tarifne Metodologije", potpisanog sa UNDP BiH koji finansira projekat.

Pozivamo sva komunalna vodovodna preduzeća u FBiH koja nisu uključena u MEG II projekat da se prijave za učešće u projektu „Podrška Programu reformi komunalnih vodnih usluga u FBiH i promocija primjene tarifne Metodologije“. Svojim učešćem u navedenom projektu biti ćete upoznati sa najaktuelnijim dešavanjima u oblasti reformi u sektoru vodnih usluga, a vaše osoblje koje bude učestvovalo na radionicama biti će osposobljeno za izradu poslovnih planova, indikatora uspjehnosti i izračun cijena vodnih usluga shodno utvrđenoj Metodologiji, te adekvatnu prezentaciju dobivenih rezultata osnivaču i korisnicima vodnih usluga. Da bi navedeni posao bio olakšan svim učesnicima radionica biti će na raspolaganju sve prezentacije, dokumenti i Excel alati urađeni od strane stručnog osoblja MEG II projekta i UPKP u FBiH.

Od prijavljenih kandidata, učesnika radionica, očekuje se:

- Da se do početka radionice upoznaju sa Metodologijom za utvrđivanje minimalnih cijena vodnih usluga u FBiH, zakonskim i podzakonskim aktima vezanim za problematiku rada i poslovanja komunalnih preduzeća iz oblasti pružanja vodnih usluga;
- Da poznaju rad u Excel programu;

Nadamo se da ćete naći svoj interes za učešće na navedenim radionicama i izvršiti blagovremenu prijavu za Vaše učešće na istim.

Nakon toga ćemo vas informirati o terminu vaše početne radionice o praktičnoj primjeni Tarifne metodologije – ista će trajati jedan radni dan i održat će se u vašoj općini ili u bližem susjedstvu.

Vaše prijave šalžite na adresu UPKP u FBiH putem emaila: upkp@bih.net.ba, fax-a br.033/217-419 ili pošte, ul. Jadranska bb 71000 Sarajevo do 28.10.2022. godine do kraja radnog vremena.

Za sva dodatna pojašnjenja možete kontaktirati Ured UPKP u FBiH (Tel/fax: +387 33 217 419; e-mail: upkp@bih.net.ba; www.upkp.com.ba, ulica Jadranska bb, 71000 Sarajevo.

S poštovanjem,



PREDsjedNIK UO UPKP u FBiH

Selim Babić, dipl.ing.građ.

Sarajevo, 18.oktobar/listopad 2022. godine